



Reinoldus filius fuit Reinoldi comitis Geldriae. hic ob uitę integritatem & corporis fortitudinem post patris obitum Geldriae comes factus, eam ditione magna laude administravit. Cũ autem eo tempore Ludouicus Cęsar cũ Austria ducibus plurima bella gereret, Reinoldus Ludouico adhęsit, atq; suę uirtutis indicia multis in locis declarauit. Itaq; Ludouicus Bauarus, cum uictor extitisset, hunc Reinoldũ anno 1329, in frequēti Imperij principũ confessu, Franckofurti ad Moenum primum Geldriae ducem constituit. In ea eminentia Reinoldus cõstitutus, Geldriam pietate & iustitia excoluit, atq; uaria latrocinia & rapinas su-

stulit. Cum hoc modo longo tempore ijs in locis rerum potitus esset, tandem moriens ducatum suum Reinoldo & Eduardo filijs reliquit. Verũ cum illi sine herede morerentur, ea regio temporis successione ex diuersis familijs uarios principes habuit. Aliquandiu enim Iuliacenses, deinde Cluēses, postea Egmondani, & tandem Burgundici principes eam obtinuerunt. donec tandem Carolus 5 Imperator anno 1543 eam contentionem finierit, atq; sibi subiecerit, cuius filius Philippus rex Hispaniarum hodie magna existimatione ijs in locis pręest. Monst. lib. 3.